

SARS YI KOMBELA VAYIMELAVAHAKELAXIBALO VA TITHIRASITI KU TSARISELA TITHIRASITI MAYELANA NA SWIKONGOMELO SWA MALINGHENA NA/KUMBE KU FAYILA MITLHERISO YA XIBALO LEYI KAYIVELEKE

Tshwane, 27 Mudyaxihi 2022 – SARS yi tsakela ku tsundzuxa vayimelavahakelaxibalo va tithirasiti eka ntirho wa vona wo tsarisela tithirasiti mayelana na swikongomelo swa xibalo xa malinghena.

Tithirasiti ti katsiwa eka nhlamuselo ya "munhu" hi ku ya hi Nawu wa Xibalo xa Malinghena, 1962 (ITA), tanihi hi sweswo, vatshemiwa kumbe vayimelavahakelaxibalo va na vutihlamuleri byo tsarisela tithirasiti hinkwato mayelana na swikongomelo swa xibalo xa malinghena. Tithirasiti leti lavekaka ku tsariseriwa ti katsa tithirasiti ta laha kaya, tithirasiti leti nga riki ta vatshami leti fambisiwaka hi ku hetiseka eRhiphabuliki ra Afrika-Dzonga ku katsa na tithirasiti leti nga riki ta vatshami leti kumaka malinghena ku suka eka xihlovo xa le Afrika-Dzonga (ku kuma ndzetelo ku ya emahlweni langutisa tiFAQ eka webusayiti ya SARS <https://www.sars.gov.za/businesses-and-employers/trusts/>).

Vayimelavahakelaxibalo va tithirasiti i vatshemiwa va tithirasiti, kambe vutihlamuleri byo rhumela ntlheriso wa xibalo byi nga nyiketwa mutshemiwa wo karhi kumbe mutirhi wa swa xibalo. SARS yi tsakela ku tsundzuxa vatshemiwa va tithirasiti leswaku va laveka ku tiyisisa leswaku mitlheriso ya xibalo ya rhumeriwa. Sweswinyana thirasiti, hambiloko yi tirha kumbe yi rhongomerile, yi fanele ku rhumela ntlheriso wa xibalo xa malinghena hi lembe hi ku fambisana na swilaveko leswi humesiweke hi lembe hi Khomixinara (tanihileswi swi lavisekisaka xiswona hi ku ya hi xiyenge xa 66 xa ITA). Eka lembe ra nhlaluvo ra 2021, nguva yo fayila ya tithirasiti yi pfurile hi ti1 Mawuwani 2021.

Vayimelavahakelaxibalo va tithirasiti va tsundzuxiwa hi nkumeko wa Phurogireme ya Mpaluxo hi Ntsakelo (VDP) hi ku ya hi swilaveko kwalaho, loko thirasiti yo ka yi nga tsariseriwa mayelana na swikongomelo swa xibalo. Vuxokoxoko bya VDP bya kumeka eka webusayiti ya SARS eka <https://www.sars.gov.za/legal-counsel/voluntary-disclosure-programme-vdp/>. Loko muyimelavahakelaxibalo o tshuka a lavile mpfuneto ku ya emahlweni, u komberiwa ku tihlanganisa na VDP eka 0800 864 613 kumbe hi imeyili eka vdp@sars.gov.za.

Vayimelavahakelaxibalo va tithirasiti kumbe vayimeri va vona va tsundzuxiwa ku tiyisisa leswaku mitlheriso hinkwayo ya xibalo xa malinghena leyi kayiveleke ya rhumeriwa handle ka nhlwelo ku papalata mixupulo na ntswalo.

Khomixinara wa SARS, Edward Kieswetter u tiyisisile vutinyiketeri bya SARS byo nyika nhlamuselo na ntiyisiseko eka vahakelaxibalo leswaku va ta hetisisa swiboho swa vona swa xinawu hi ku olova, naswona tithirasiti i xin'we xa swifambisi leswi tirhisiwaka hi vahakelaxibalo ku tirha hi tindlela to tala.

Xitatimende lexi a xi sivi tsalwa ra ntiyiso ra swipimelo eka Nawu wa Xibalo xa Malinghena, 1962, kumbe xiletelo lexi nga eka webusayiti ya SARS. Vahakelaxibalo lava lavaka mpfuneto ku ya emahlweni va nga ya eka webusayiti ya hina www.sars.gov.za.

Mayelana na vuxokoxoko byo tala, tihlanganise na SarsMedia@sars.gov.za